

آبونه اولمق ايستينلر دائره عدليه ده
اداره مخصوصه سنه مراجعت
ايتلدر

اعلانك بهرندن بر مجديه اخذ
ايديلور

نسخه سي ۴۰ پاره در

فكر ديك حاكم عليك

نه لکي در سعادت ايجون مجديه
يکرمي غروش حسابيله آلمش
غروشدر

طفره ايجون پوسته اجرتي اوله رق
اون بش غروش ضم اولنور

نسخه سي ۴۰ پاره در

هفته ده ايکي دفعه جمعه ايرتسي و چهارشنبه کونلري نشر اولنور. محتوياتي امور عدليه متعلقدر

تجربيات

ايلبسان سنجاني بدايت محکمه سي جزا دائره سي
رياستي مدلولو سنجاني تجارت محکمه سي رئيسي
قوتلو محمد الماس افندي به
مدلولو سنجاني تجارت محکمه سي رئيسي قيصر به
سنجاني تجارت محکمه سي رئيس سابق رفعتلو محمد امين
افندي به توجيه بيورلش ومومي اليهما ذاتاً محلف
بولمشدر.

در سعادت استيناف محکمه سي جنایت قسمي ضبط
کتبه سندن عزتلو صفوت بکه ترفيعاً رتبه ثانيه صنف
متميزي
محکمه تمیز باش مدعي عمومي کلي قلمی کتبه سندن
رفعتلو جمال الدين بکه رتبه ثالثه
بره پول قضایي بدايت محکمه سي مدعي عمومي
معاوني قوتلو سليمان فائق افندي به رتبه رابعه توجيه
بيورلشدر.

تليغات

تميز دعوي ايدنلرک جمله شرائط تميز به دن اولمق
اوزره حقلی اولدقلى تبين ايدىکي تقديرده
خصملىنک مصارف محاکمه و ضرر و زياتى تأديه به
کفالتی ناطق تنظيم واعطاسنه مجبور اولدقلى کفالت
سندانه وضع امضا واملاکي حقه سندات مزبوره ي
تصديق ايدن مقاولات محررلى جانبندن حجز اجرا
قلنان کفالتك بالاخره تمیز اولنان اعلامك نقص
اوله رق مکفول عنك حقلی چيقمش اولديغندن
بجمله حجز موضوعك فکي و سندن کفالتك طرفه
اعاده سي يولنده وقوعبولان طلب و ادعالي اوزرينه
اتخاذ اوله رق معامله نك تعيني لزومه دائر در سعادت
بدايت محکمه سي رياست اولاسندن اعطا قلنان ۲۵
حزيران سنه ۳۲۳ تاريخی مذکره انجمن عدليه به
لدی الحواله اولبابده اجرا قلنان تدقيقات نتیجه سي

اعلامات لاحقه ده اولکي مصارف تميز به نك ايلروده
حقلی اولديني تبين ايتيان طرفه عائديتي ارانه ايدن
فقره حکميه نك دخي اصيله معطوف ومصرف اولمسي
اعتباريله شو فقره نك موجودتي بالاده سرد و بيان
اولديني اوزره تمیزه مراجعت ايدن مکفول عنك
حقلی اولديني تبين ايتامسيه مشروط ومقيد اولان
کفالتك بالاخره ذات دعوا ده حقلی اولديني تبين
ايتيان اصيله مترتب مصارف محاکمه و ضرر و زياته
عدم شمولی و ايکنجی مصارف تميز به ي تضمينه ده
کفيل ثانیك مجبوري نقطه سندن حائز تأثیر کوريله.
مامش اولديغندن خصوصات مماثلده بو وجهه ايفای
معامله اولمق اقضا ايدنه چکنک جواباً رياست مذکوره به.
تبينی بيان وافاده قانمشدر.

محاکمات و مقررات

طرابلس غرب ولايتی استيناف محکمه سي جزا
دائره سي رئيس سابق رفعتلو احمد وصفي افنديك اوراق
انفصاليه ومدافعه نامه سي انجمن انتخاب مأمورين عدليه به
لدی التدقيق جواز استخدامنه قرار ويرلشدر.

محکمه تمیز حقوق دائره سندن تنظيم واعطا
قلنان اعلامدر:

قلعه سلطانيه سنجانه تابع ياغجي قريه سنده مقيم
محمود دامادی سليمان اغا ايله قريه مذکوره ده ساکن
اسماعيل بيننده متحدث دعوايه دائر لواء مزبور
بدايت محکمه سندن ۱ اگستوس سنه ۳۱۲ تاريخی
ويکرمي درت عددی ايله ويريلان اعلام مرقوم
سليمان اغا طرفندن تمیز ايدنلرک اعلام مذکور
طرفينک اعتراض وجواب لايحه لريله بالمطالعه تدقيقات
تميز به اجراسنه ابتدار قلندی.

اعلام مذکورک خلاصه مالی مرقوم اسماعيل
قريه مذکوره جوارنده باسند خاقانی متصرف اولديني
معلوم الحدود اوتوز دوم مقداری برقطعه ترلاسنه

مبين اوله رق تنظيم واعطا اولنان مذکرده دعوي
تميز به حقه ده کفالت واقعه اصول محاکمه حقوقيه
قانونك ايکي يوز يکرمي ايکنجی ماده سنده تعريف
وبيان اولديني وجهه مستدعي تمیزك حقلی اولديني
تبين ايتديکي تقدريده خصمك نظاماً تعين ايدنه چک
ضرر و زياتی تسويه وايفاء تعهديني متضمن ومکفول
عنك شو مراجعتده حقلی اولديغنگ تبين ايتسي
قيد و شرطنه معلق اولسندن ناشی بوقيل کفالتك
مواخذه سي مجله نك التي يوز اوتوز التجی ماده سي
احکامنه شرط مذکورک ثبوت و تحققنه متوقف
اولديني کي عکسي تقديرده يعنی تمیز اولنان اعلاماتك
تصديق صورتنده دخي محسب الکفاله مسئوليتي
بدیي بولمش اولسنه نظراً تمیز دعواسنده حقلی
چيقان مستدعيه کفالت ايدنلرک اوراق تميز به
مياننده حفظی اصولاً مقتضى اولان سندات مصدقه نك
رد واعاده سي يولنده کي طلبلى شايان ترويج کوريله.
مامش ايسه ده حين کفالتده تأمينات اوله رق ارانه
ايتش وقيدلرينه شرح ويرلک صورتيه برنوع حجز
آلتنه آلمش اولان اموال غير منقوله لرینک جهت
کفالتدن طولاني مسئول و معاتب اوله ميه جقلى
اساسه بناء حجز مذکوردن قورتارلمسي ايجابات معدلتن
اولوب بوده تقضى حاوی اعلامات تميز به نك اساساً
سندات مذکورمي تصديق ايدن مقاولات محررلرينه
ابرازی حالنده آنلر جانبندن دوائر متعلقه سنه يازيله حق
مذکره لرله حجز حقه ده جريان ايدن عين اصوله توفيقاً
معامله فکيه نك دخي اتخاذ و اجراسي مذکور محررلرکله
عائد وظائف جمله سندن بولمش و اعلامات منقوضه
حکمنده اصرار ايدلک و ياخود اسباب تقضيه نك
قبوليله برابر مستدعي تمیزك ايکنجی دفعه اوله رق
حقلی اولمديغنه قرار ويرلک طولاييسيله تکرار تمیز
دعوايه مجبوري حصولنده ذکر اولنان ايکي يوز
يکرمي ايکنجی ماده قانونيه به توفيقاً کفيل ديکر
ارائه سي مقتضى و دفعه ثانيه ده مستدعینک عندالتمیز
حقلی اولديني تبين ايتديکي صورتده مصارف محاکمه
ايله ضرر و زياتنک بوکفيله تحميلي طبعی اولديني کي

یول جهتدن مزبور سلیمان اغا تجاوزله فضولی مداخله ایتکده اولدیغندن بخله مداخله واقعه سنک منعی طلب ودعوی وسند مذکوری ابراز واعطا ایتسنه قارشو مدعی علیه سلیمان اغانک دخی مدعینک ترلاسی کندو ترلاسیله محدود ایسه ده کندوسی مدعینک ترلاسنه برکونه تجاوزده بولندیغنی مدافعه درمیان ایتسی اوزرینه منازع فیه محله مدعی علیه ذی الیدلکی سرآ تزکیه اولانان شهودک شهادت لریله ثابت اولدقدن حکره جریانیدن محاکمه وکشف وتدقیقات نتیجه سنده محل منازع فیه طرفدن هیچ برینک عهده تصرفده اولیوب اراضی موآندن اولدیغنی وهرایکی طرف محل مذکوردن بر مقدار یسوکش اولدقلری کشفنامه و طرفینک بویاده سبق ایدن اقراریه ثابت اولدیغندن اراضی قانوننامه هاپوننک بوز اوچنجی ماده سنک فقره اخیره سی حکمنه توفیقاً هرایکی طرفک سوکش اولدقلری مقدارک بدل مثل ایله کندولرینه تفویضی لزومه حکمدن ومستدعی تمیز مرقوم سلیمان اغانک اشبو حکم علینده لایحه سنده محرر اعتراضاتک باشلوجهی محکمه جه کشف حقدده ویریلان قرارده طرفینک ابراز ایتدیکی سنداتک تدقیق ومنازع فیه محل سنداتده محرر حدود داخلنده اولوب اولدیغنی تحقیقی لزومی کوسترملش اولسنه کوره بوقرار دائره سنده کشفک اجراسیله محل منازع فیهک هانکی طرفک سست وحدودی داخلنده اولدیغنی تحقیق ایدلسی لازم کلور ایکن بویوله اجرای تحقیقات ایدلامسی بولسن ومخالف قانون اولدیغندن بخله اعلام مذکورک نقضی استدعاسندن ومدعی علیه اسماعیلک لایحه سنده محرر نتیجه جوابی دخی سرد اولنان اعتراضاتک واهی وبی اساس اولدیغنی بیسانیه ردی وموافق اصول وقانون اولان اعلام مذکورک تصدیقی طلبندن عبارتدر .

ایجابی مذاکره اولندقدده اعلام مذکور مطالعه سنندن اکلاشلدیغنی اوزره بومقوله اراضی امیریه دن اولان ترلا دعوالرینک انشای رؤیت وتدقیقنده اراضی مأمورینک حضوری لازمه دن ایکن بودعواده بولندیرلماش اولسی و ذی الید شاهدلرینک سرآ تزکیه لری اجرا اولنش ایسه ده عاناً اجرا اولنامسی و طرفینه دخی دعوالرینک تصحیح ومحل مدعاهک نه مقداردن عبارت اولدیغنی تعیین ایتدیرلماش و قرار محکمه دائره سنده کشف اجرا وختام محاکمه نک طرفینه تعهیم اولنامسی بولسن ومغایر قانون اولدیغندن ناشی اصول محاکمه حقوقیه قانوننک ایکویز اوتوز ایکنجی وایکیویز قرق برنجی ماده لری موجبجه اعلام مذکورک تقضیه قانون مذکورک ایکویز قرق دردیجی ماده سی حکمنه

توفیقاً کیفیتک بالرؤیه اعلامه ربطی ضمنتده محکمه مذکوریه اعاده سنه ۸ مایس سنه ۳۱۳ تاریخنده متفقاً قرار ویرلدی .

۶۰۵ نومرولی نسخه ده مندرج در سعادت جنایت محکمه سی اعلامنک مابعدی :

علی هذا ضابطه عدلیه تقریری ایله معاینه راپورلری اوقوتدیرلدی ۲۲ شباط سنه ۳۲۲ تاریخی اولان تقریرده اشبو پنجشنبه کونی ساعت درت قرارلرنده ابوالخیر افندیغنی قری کوی یکی محله موقعه بالمراجعه خانه سنندن قهوه خانه یه کیمکده ایکن قهوه چی ویسی نام دیگر قرده علی اوکنه چیقهرق ومؤذن وکیلی هاشم دخی کلهرک کندوسی ضرب و بچاقله برون وقولاغنی قطع وجرح ایتدیکلری حکایتله بسط وشکایت ایتسی اوزرینه مرقومان جلب واستجواب اولندقدده کلیاً انکار تهمت ایتش ایسه لرده تحقیقات واقعه یه ومرقوماندن ویسی نام دیگر قرده علینک وصول الی پارمنی قیرلش وهاشمک دخی اوزری چامورلی بولنش اولسنه کوره افعال مذکورده نک فاعلاری اولدقلرینک اکلاشلدیغنی اشعار و ۲۳ شباط سنه ۳۲۲ تاریخی راپورده ابوالخیر افندیغنی برآلت قاطعه ایله حصوله کیش صاغ قولاغنی صیوانی قسم منجراویسنک نقطه التصاقده قائماً برعدد جرحه مشاهده اولوب مذکور صیوانی منصل بولدیغنی وینه برآلت قاطعه ایله حصوله کیش انفک جنساح ایتی قاعده سی حداسنده طولانی وعمقی غضروف انفه قدر برعدد جرحه وجناح ایسری اوزرنده دیگر برعدد جرحه ایله جهت علویه سنده غضروف انفه قدر جرحه وعضلات انفیه نک بر قسمی منصل بولندیغنی وینه برآلت راضه ایله حصوله کیش صاغ قولی مرفق مفصلی حداسنده ساعدک ثک علویسنه وعضدک ثک سفلیسنه قدر تمتد وواسع بره وزیاده جه شیش وینه صاغ الی مشط الیدی خلفنده بره وبر مقدار شیش ایله چند محلنده صیریقی وینه ضرب ویا صدمه ایله حاصل صاغ دیزی رضعه مفصلی انیسسنده سطحی وصغیر بره مشاهده اولدیغنی و ۳۰ نسان سنه ۳۲۳ تاریخی راپورده ده جراحت مذکورده نک یکرمی کوندن زیاده ایشندن قالمسی موجب اوله رق قرق کونده التیویز غروش اجرت تدای ایله التیام بولش ایسه ده تنفس انفیک اوچده بری ضایع اولدیغنی کی صاغ صیوان اذنی کاملاً قطع و رفع ایدلکسندن خیزلیجه لاقردی سولیمدکجه صدائی لایشیه استماع ایدمه یه جکی وضعی صیوان اذنه محتاج اوله جفی ازبار قلمشدر .

قرائت اولنان اوراق مندرجاتنه نه دیه جکری عندالسؤال متهملردن هاشم اوزرنده قان بولنیوب انحق زمان وقعه ده کورلش اولان چامورلرک جامع شریفی سبورر ایکن دوشمسندن ایلرو کلدیکنی ایراد وویسی نام دیگر قرده علی دخی پارمغده کی جرحه نک اوستوره بیله دیکی ائشاده وقوعه کلدیکنی یاد ایلدیلر .

مدعی عمومیک جانبندن معطی شهود بولمه سنده اسامیسی محرر کسانک ورود ایتدیکلری خبر ویرلمکه برر برر حضور محکمه یه چیقاردلی عندالسؤال طرفینه برکونه قربات ومناسبت وخصوصت لری اولدیغنی وطرفینی طانیدقلری اکلاشله غله عثمان بن حسندن ماعداسنک اصولاً امر تحلیف لری بعدالاجرا مواجهه اشهاد اولندقلرنده بولردن فری کوینده باروتخانه جاده سنده نومرو سز خانه ده مقیم آراهه چی عمر آغانک زوجهی یکریمی بش یاشلرنده بوللی خیریه خاتم بنت احمد خاطر لیه مدیغنی برکون زده قده کیدر ایکن آجی برصد ایشتمکه باقدیغنده بر شخصک باشی آجیق اولدیغنی حالده برده یاتمقده وبر صارقلی شخصک جامع شریف طرفه وبرفسلی شخصک دخی متهملردن ویسی نام دیگر قرده علینک خانه سی جهتنه قاجقده اولدیغنی کورمش ایسه ده مسافه نک اوزاق اولسندن ناشی تشخیص ایدمه مدیکنی مضبوط افاده سی وجهله بیان وعندالسؤال قاجان اشخاص ایله آرده لری محکمه جنایت صالوندن ده از یاده اولدیغنی ومرقومانی بولردن دخی فرق ایدمه مدیکنی وصدانک ابوالخیر افندیغنی اولدیغنی اکلاشلدیغنی ومومی الیه دن برشی صورمدیغنی علاوه اتیان ایلدی .

اشبو شهادته نه دیه جکری عندالسؤال متهملردن هاشم شاهد مزبوره نک مدعی شخصک کر اجیسی اولدیغنی تذکار وویسی دخی سکوتی اختیار ایلدی .

محل مذکورده مقیم قوندیره اسکیمیجی اوتوز یدی یاشنده آستانه لی حسن بن منلی بوری وقعه کونی قهوه خانه ده اوتورر ایکن قصاب مصطفانک عبدالوهاب دیو ندا ایتسی اوزرینه کیتدیکنده قصاب مرقومک ابوالخیر افندیغنی یردن قالدیردیغنی ومومی الیه نک بی جرح ایدن و بحاله کتورن هاشم ایله ویسی نام دیگر قرده علیدر دیدیکنی ومتهمان مرقومانی اوصرده محل وقعه ده کورمدیکنی مضبوط افاده سی وجهله حکایه و عندالسؤال متهملردن ویسی نام دیگر قرده علینک قهوه خانه سنه اصلا کیتمدیکنی ومحل وقعه ده برکوفه کوروب مذکور کوفه نک ایسه وقعه دن مقدم اوراده کورمدیکنی و دیدیکنی اشخاصک حاضر بولنان متهملر اولدیغنی افاده سنه علاوه ایلدی .

متهملر برشی سولیه رک سکوتده بولندیلر .

مذکور جاده ده بر خانه ده اقامتله قصابکی ایتدیکنی

سولیان قرق بش یاشنده بابا طاغلی مصطفی بن باقیش وقعه کونی قهوه خانه دن چیقوب میدانه طوغری باقورکن بر قاج شخصک نزاع ایتدیکلری و منازعین میاننده برده بیاض صارقلی بولندیغنی کورمکه شتاب ایدوب باقدیغنده بولردن بریسنک متهملردن هاشم و دیگرینک ویسی نام دیگر قرده علی اولدیغنی وهاشمک جامع شریف جهته و دیگرینک دخی قهوه خانه سنه طوغری قاجدقلری ومدعی شخصی بی دخی چامورده یاتورکن کوروب قالدیردیغنی ومومی الیه دن اشبو حادثه نک سبب وکیفیتی صورمسیله مرقوماندن هاشمه میانه لرنده نفسانیت بولمسندن وویسی نام دیگر قرده علینک دخی اوقاف نظارت جلیله سنه شکایت اولمسندن ناشی کندوسی بحاله قویدقلری جوابی اولدیغنی مضبوط افاده سی وجهله اخبار وعند السؤال کندوسنک محل وقعه یه اوتوز خطوه مسافه دن سسانش اولسیله متهملرک قاجدقلری و اوصرده مدعی شخصک برونی قولاغنی قانلر ایچنده اولدیغنی ومحل وقعه ده تیمور پارچه سی و بچاق کورمدیکنی وفی الواقع متهملردن هاشمک مؤذن وکالتنده بولمسندن دولای مدعی شخصی ایله میانه لرنده نفسانیت بولندیغنی وشهادتی حاضر بولنان کسان حقلرنده ایدوکی علاوه کفتار ایلدی .

متهملردن هاشم شاهد مرقومک مدعی شخصک آدمی اولدیغنی وشهادتی قبول ایدمه یه جکی سرد وشاهد مرقومده حسبه لله بیلدیکنی سولیدیکنی و کندوسی قصاب اولوب مدعی شخصی یه مناسبتی بولندیغنی بالیشان طعن مسرودی رد ایلدیلر .

متم سکوتده بولندی .

ینه مذکور جاده ده حسین چاوشک خانه سنده اقامتله بارکیرجیک ایتدیکنی سولیان اون درت یاشنده حمیده قریه لی عثمان بن حسن دخی معلومات قیلندن اوله رق بلا حلف استماع ایدلده خاطر لیه مدیغنی بر صباح قهوه خانه یه کیدرکن متهملردن ویسی نام دیگر قرده علینک قهوه خانه سنه قریب زقاق ایچنده برکشینک یرده یاتمقده و اوزرنده ایکی شخصک بولمقده اولدیغنی کورمکه خوفندن خانه سنه قاجش اولمغه کیم اولدقلری فرق ایدمه مدیکنی بیان وعندالسؤال اشخاص مرقومه نک حضور محکمه ده بولنان متهملر اولوب اولدیغنی تعیین ایدمه مدیکنی ومرقومانک صارقایمی یوقسه فسلیجی اولدقلرینه دخی دقت ایتدیکنی علاوه اتیان ایلدی .

متهملر قبول ایتیز سوزی تکرار ایلدیلر .

جانب ریاستدن اظهار حقّه مدار اولوق اوزره جلب واستماعی تمسب قلمش اولان کساندن بلاطده قالم اغا محله سنده بیتوتله باغچوانلق ایدن اوتوز سکر یاشنده قره جه علی قصبه لی محمد چاوش بن الحاج

محمدک ورود ایتدیکنی خبر ویرلمکه حضور محکمه یه چیقاردلی طرفینه برکونه قربات ومناسبت وخصوصتی اولدیغنی ومتهملری توقیف خانه ده کوروب طانیددیغنی سولیکه اخطارات لازمه قانونیه بعدالاجرا بلا قسم استماع اولندقدده توتون قاجلیغسندن دولای موقوف بولندیغنی صرده متهملردن هاشمک اثنای مصاحبه ده کندوسی ابوالخیر افندیغنی قوللرینی طوتوب ویسی نام دیگر قره علیده برون وقولاغنی کسدیکنی حکایه ایله آدم کله جکدی کسه ایدی یله جف بشقه ایدی اما کلدیده ابوالخیر افندی قورتلدی دیدیکنی وبعده کندوسی قاجلیغسندن تیری ایدوب تخلیه اولندقدن صکره سلحدار اغاده مومی الیه ابوالخیر افندی یه بانتصادف کیفیتی اکلاشلدیغنی ومتم مرقومک بوسوزلری سولیرکن یانلرنده باغچوان علی دخی بولنش ایسه ده مرقوم شمعی اوراق بیچمک ایچون بیله مدیکنی بر طرفه کیتدیکنی ومتم مرقومه منازعه لری اولوب اولدیغنی صورمدیغنی ومرقومده سولیدیکنی و دیدیکنی شخصک حاضر بولنان متهملر اولدیغنی افاده ایتدی متهملردن هاشم بوشاهدک سرسری اولدیغنی واون بش یکرمی غروش قدر الحقر لری آوب ویرمدیکنی اجدن شهادتی قبول ایدمه یه جکی سولیدی شاهد مرقومده کندوسی ارباب صنعتدن بولنوب طعن واقعی قبول ایدمه یه جکی و دیگر متهملده دیه جکی اولدیغنی افاده ایتدیلر .

اظهار حق شهودندن علینک زرده بولندیغنی اکلاشیه ماسنه منی جانب ریاستدن استماعندن فراغت ایدلکی بیلدیرلدی .

آلات جارحه وقاطعه نک بولنه ماسنه منی ایجاب ایدلره اراهه قلنه مدی .

(مابعدی کله جک نسخه یه)

قالوستک نهائی ضرب ایلدیکنی ثابت اولدیغندن برهفته حبسنه

زیسو وقسطینک نیقولی بی ضرب ایتدیکلری ثابت اولدیغندن برهفته حبسلرینه

حمزه نک زوری بی ضرب ایتدیکنی ثابت اولدیغندن برآتون آله رق مضروب ویرلسنه

یکدیکلرینی ضرب وجرح ایتسکه مظلون بولانلردن صرافیمک ایلساوی بی ضرب ایتدیکنی ثابت اولدیغندن برهفته حبسنه وصوتیری وایلساوی نک صرافیمی ضرب وجرح ایلدیکلری ثابت اوله مدیغندن برآتیلرینه

تحسینک رضایه اخافه قصیده تشهر سلاح ایتدیکنی ثابت اولدیغندن برهفته حبسنه

منتش وداویدک آورامی ضرب وجرح ایتدیکلری حقدده اجرا قانان محاکمه نتیجه سنده مرقوماندن منتشک آورامی ضرب وجرح ایتدیکنی ثابت اولدیغندن ایکی آلتون آتوب مضروب ویرلسنه وداویدک برآئنه علینک حسینی جرح وعاکف نورینک اخافه قصیده مرقومه تشهر سلاح ایتدیکلری ثابت اولدیغندن برهفته حبسلرینه

سورنیکک پراشکوهی جرح ایتدیکنی ثابت اولدیغندن برآتون آله رق مجروح ویرلسنه

استاورینک محمدی ضرب وجرح ایتدیکنی وسعیدک دخی سلاح طاشیدیغنی ثابت اولدیغندن استاورینک برهفته حبسنه وسعیددن بش بشلک جزای نقدی اخذینه

لامبونک ایلیانک خانه سنه طاش آتدیغنی ثابت اولدیغندن یکرمی درت ساعت حبسیله برابر کندوسندن اتلی بشلک جزای نقدی آلمسنه

آلتوانک یرواتی ضرب وجرح ایتدیکنی ثابت اولدیغندن برهفته حبسنه

حاقونک لوتاریه جلیق ایتدیکنی ثابت اولدیغندن کندوسندن بش بشلک جزای نقدی آلمسنه بک اوغلی بدایت محکمه سی جزا دائره سنجه قرار ویرلشدر .

مُحَامَلَاتُ اِنْدَبَا هِیَهِ

طویران قضاسی بدایت محکمه سی مستنطقی صادق افندیغنی خلاف اصول وقانون معاملاته جرأتی سالنک ولایتی استیفاف مدعی غنوملکندن وارد اولان اوراق تحقیقه مندرجاتندن اکلاشله منی بالعزل حقدده تعقیبات قانونیه ایفاسی ضمنتده عدلیه نظارت جلیله سندن مذکور مدعی عمومیکه تبلیغات مقتضیه اجرا ایدلشدر .

اِخْلَاقَاتُ

نجات عربی فکر سنده

غلطه ده طویخانه قریبده قباطشده حطب وکور ده پوسنده ساکن ایکن تجارت بحریه محکمه سنندن افلاسنه حکم اولنش اولان قسطی لیادینک خصوصات افلاسیه سنک رؤیت وتسویه سی ضمنتده دعوی

وکیللرندن سعدالدین بك ایله پانده لایکی قوزمیدی
افندی اصالة سندیک تعیین قلمش اولدقلرندن مفلس
مرقوم ذمتده آلهجی اولانلرک قانوننامه تجارتک
۱۹۹ و ۲۰۰ نجی مادهلری موجبجه تحقیق دیون
ایچون تاریخ اعلاندن اعتباراً یکریمی بر کون ظرفنده
سنداتی محکمه کاتبه تسلیم ایملری ومدت مذکوره
ختماندن صکره اوچ کونده یعنی ۳۳۳ سنه سی ایلولنک
اون اوچنجی پنجشنبه اون بشنجی جمعه ایرتسی واون
یدنجی بازار ایرتسی کونلری تجارت بحریه محکمه سنک
مصالح افلاسیه رؤیتنه مخصوص اوطه سنه کله رک
سندیک افندیلر مواجهه سنده آلهجقلری اثبات وقید
وتصدیق ایندیمرلری ومدت مذکوره ده اثبات وجود
ایده میان آلهجقلولر حقنده قانون مذکورک ۲۱۰ نجی
ماده سنه توفیقاً ایفای معامله اولنه جنی اعلان اولنور .

مفلس کتابجی صوتیریوس نیاروسک بك اوغلنده
مولویخانه قارشوسنده الی نومرولی دکانی دروننده
موجود کتب متوعه سی اشبو اغستوسک یکریمی
سکزنجی صالی کونی ساعت اوچدن بدأ ایله مأمورین
مخصوصه طرفندن بالمزایده فروخت ایدیله جکندن
طالب اولانلرک یوم مذکوره محل مزبورده حاضر
بولنلری اعلان اولنور .

در سعادت اعمومات نظامیه اجرا دائره سنده :

عدد

- ۱ الماس کوكس ایکنه سی
- ۱ الماس کوبه
- ۱ الماس منکشه ایکنه
- ۱ چفت حصر اورمه آلتون بیله زیک
- ۱ آلتون ساعت قوردونی

خره لمبوسک سعادتو محمد جلال الدین بك افندی
ذمتده محکوم آلهجقندن طولای مرهون اولوب
قرار آلتیه آلدیرلمش اولان بالاده جنس ونوعی محرر
یش قلم حلیانک شهر حال رومینک اوتوزنجی پنجشنبه
کونی ساعت درت راده لرنده چارشوی کیرده جواهر
یدستانی دروننده بالمزایده فروخت اولنه جنی
در سعادت اعمالات نظامیه اجرا دائره سنندن اعلان
اولنور .

بك اوغلی بابت محکمه سی اجرا دائره سنده :

نسیم وخایم ونائم بنزونانا افندیلرک اسرائیل
ناطان ذمتده محکوم به آلهجقلری اولان مبالغ
معلومه نك تأمین استیفاسی ضمنده مدیون مومی الیهک
عهده تصرفده اولوب حجز آلتیه انسان خصکوبده

کر میدجی احمدچلی محله سنده کورجی زقاغنده کارگیر
اوله رق عرضا یکریمی برحق و طولاً یدی آرشون مقداری
عرصه اوزرینه مینی میخانه واتصالنده حلاج دکانک
ملك وكدكنك اون درت حصه اعتباریله اون ایکی
حصه سی ایله ینه محل مذکوره آینه لی قواق
جاده سنده کائن حدود معلومه ایله محدود یکریمی بر
ویکریمی اوچ نومرولر ایله مرقم عرضاً اوتوز بر
طولاً اوتوز ایکی ذراع اون یدی پارمق که تخمیناً
بیك ذراع مقداری عرصه اوزرینه مینی واون درت
اوطه یی حاوی وكذلك عرضاً اوتوز یدی ذراع اون
یدی پارمق و طولاً اوتوز ایکی ذراع که تخمیناً بیك
ایکیوز ذراع مقداری عرصه اوزرینه مینی ویکریمی
اوطه یی محتوی غایت کهنه ایکی باب اخشاب خانه
وییری پاشا محله سنده بوستان ایچی زقاغنده کائن چکلی
بوستان دیمکله عریف عرضاً قرق الی و طولاً یوز
یتش سکز ذراع که تخمیناً طقوز بیك آرشون
مقدارندن عبارت وایکی اوطه یی حاوی کهنه بر باب
اخشاب خانه وبوستان قیوسی واشجار مثمره وغیر
مثمری مشتمل وبرطرفی بوستان ایچی وبعضاً دره
زقاغی وارقه سی عارف اغا بوستانی و طرف رابی
سائر کسانک خانه لریله محدود برقطعه بوستانک بتون
ملك وكدكي لدى المزایده بولنلر دن میخانه وحلاج
دکانی ومشملاقی اون بشیك وایکی باب خانه کذلك
اون بشیك وبوستان دخی بشیك غروش آلتون
اچه بدلر ایله طالبی عهده سنده تقرر ایدرک موقت
قرارداده سی کشیده قلمش اولدیغندن تاریخ اعلاندن
اعتباراً اوتوز بر کون ظرفنده لاقل یوزده بش ضم
ایله زیاده یه طالب اولانلرک واطرافلیجه معلوت آلق
ایستیلرک یوزده اون نسبتده کی دیپوزیتو اچقلری
مستصحباً بك اوغلی بدایت محکمه سی اجرا دائره سنه
مراجعت ایملری ومدت مذکوره نك ختامه مصادف
شهر ایلولک اون ایکنجی چهارشنبه کونی ساعت
سکز راده لرنده قرارداد قطعیسی کشیده قلمش
اوزره املاک مذکوره پیشکاهنده مأموری مواجهه سنده
حاضر بولنلری اعلان اولنور .

مرسین تجارت محکمه سنده :

مرسینده ضیا پاشا املاکنده ۱۴ نومرولی
دکانده مقیم تحفجی آرتین اورفهلانک ۳۱ تموز سنه
۳۳۳ تاریخندن اعتباراً اعلان افلاسنه ومصالح
افلاسیه نك رؤیت وتسویه سی ضمنده اعضای محکمه دن
علی غالب افندیك ژورقومیسر واصحاب مطلوبدن
اوخانس قزازین افندیك موقت سندیک تعیینلرینه
ومغازه سیله اشای زائده بیتیه سنک تمپیرینه واوراق

ودفاترینك جلبنه وفرارده بولنان مفلسك دردستیه
توقیفنه وبوباده کی قرارك موقتاً اجراسنه مرسین
تجارت محکمه سنجه قرار ویرلمش اولدیغندن قانوننامه
تجارتك ۱۷۰ نجی ماده سی موجبجه دائمی سندیکلر
اتخاب اولنق اوزره [۲۹ اغستوس سنه ۳۳۳]
چهارشنبه کونی ساعت الی راده لرنده اصحاب مطلوبك
محکمه مذکوره مصالح افلاسیه رؤیتنه مخصوص
اوطه سنه کلری اعلان اولنور .

فلورینه تجارت محکمه سنده :

فلورینه ده مقیم مانیفاطوره وتحفجی کورکی چونک
بالاخره تبین ایده جک حاله کوره مبدأ عجزی تعیین
واعلان ایدلک اوزره ۳۰ تموز سنه ۳۳۳ تاریخندن
اعتباراً اعلان افلاسنه ومصالح افلاسیه نك رؤیت
وتسویه سی ضمنده اعضای محکمه دن استاورا کی
افندیك ژورقومیسر ودعوی وکیللرندن خیرالدین
وتجاردن یاقو وایقو افندیلرک موقت سندیک تعیینلرینه
ومغازه سیله اشای زائده بیتیه سنک تمپیرینه واوراق
ودفاترینك جلبنه وكفالت معتبره ارانه ایده مدیکی
تقدیرده حبس وتوقیفنه وبوباده کی قرارك موقتاً
اجراسنه فلورینه تجارت محکمه سنجه قرار ویرلمش
اولدیغندن قانوننامه تجارتك ۱۷۰ نجی ماده سی
موجبجه دائمی سندیکلر اتخاب اولنق اوزره ۳۳۳
سنه سی اغستوسنک یکرمنجی بازار ایرتسی کونی ساعت
درت راده لرنده اصحاب مطلوبك محکمه مذکوره نك
مصالح افلاسیه رؤیتنه مخصوص اوطه سنه کلری
اعلان اولنور .

ازمیه سنجایی بابت محکمه سی اجرا دائره سنده :

اذمیده حاجی حسن محله سنده ساکنه لیونجی
زاده متوفی رحمی بك زوجه سی قدریه خانمك متوفای
مومی الیه رحمی بك ورثه سی علیه استیصال ایلدیکی
برقطعه اعلام شرعی موجبجه آلهجی اولان مبالغ
معلومه نك تأمین استیفاسی ایچون متوفای مومی الیهک
اذمیده میخانه لرایچنده کائن اولوب عبدالسلام بك جامع
شریفك سنوی اوچ غروش مقاطعه لی اوقافندن بولنان
بر باب اخشاب مغازه نك بیك یوز الی سهمدن بیك
یکرمی الی سهمك حجز وفروختی قرارلشدیرلمش
اولدیغندن تاریخ اعلاندن اعتباراً اون بش کون
صکره بالمزایده فروخت اولنه جی اذمید بدایت
محکمه سی اجرا دائره سنندن اعلان اولنور .